

Ժողովուրդ

112
(2778)

2 օգոստոսի չորեքշաբթի 2023
տպագրության ԺԲ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԱԶԱՏՄԱՆ ԶԱՆԳՎԱԾԱՅԻՆ ԴԻՄՈՒՄՆԵՐ «ԵԱՄՄ»-ՈՒՄ




«Ժողովուրդ» օրաթերթը բազմիցս անդրադարձել է մայրաքաղաքի աղբահանության հետ կապված խնդիրներին և ներկայացրել քաղաքում տիրող ամփոփար իրավիճակը: Վերջերս ArmLur.am-ը գրավոր հարցմամբ դիմեց Երեւանի քաղաքապետարանի հասկանալու, թե ինչու են «Երեւանի աղբահանություն և սանիտարական մաքրում» հիմնարկի մեքենաները խոտանված, որքան գումար է ծախսվել բեռնատար մեքենաների սպասարկման համար: Հետաքրքրվել էինք նաեւ, թե կոնկրետ ինչի վրա են ծախսվել գումարները, ինչպես նաեւ Նշել էինք, որ տեղեկություններ ունենք՝ մեքենաների յուղերը ժամանակին չեն փոխվել, փոխարինվելուց էլ փոխարինվել են անորակ յուղերով, մեքենաների հերթական տեխնիկական ծամանակին չեն կատարվել, դրա համար էլ մեքենաների շարժիչները անսարք վիճակում են:

Երեւանի քաղաքապետարանից պատասխանել են. «Երեւանի աղբահանություն և սանիտարական մաքրում» համայնքային հիմնարկը բեռնատար մեքենաների սպասարկման համար 2022թ. ծախսել է 483.580.645 դրամ: Գումարները ծախսվել են ըստ անհրաժեշտության՝ տարբեր ավտոպահեստամասեր ձեռք բերելու նպատակով, այդ թվում՝ յուղեր-71.379.722 դրամ, պահեստամասեր-122.244.525 դրամ, վերանորոգման ծառայություններ-285.693.880 դրամ, հարակից բաղադրիչներ ու այլ նյութեր-4.262.518 դրամ: Տեղեկացնում ենք, որ հիմնարկի մեքենաները հերթական տեխնիկական անցնել են սահմանված ժամկետում, իսկ յուղերի ձեռք բերումն իրականացվել է էլեկտրոնային աճուրդի միջոցով, տեխնիկական բնութագրին համապատասխան նվազագույն գնային առաջարկ ներկայացրած մատակարարը ճանաչվել է հաղթող մասնակից»:

ArmLur.am-ը նաեւ բազմիցս դժգոհություններ է ստացել այն մասին, որ «Երեւանի աղբահանություն և սանիտարական մաքրում» հիմնարկի տնօրեն Բագրատ Աղաջանյանը ծեծի, հայիոյանքների, ստիպողաբար ավելի աշխատացնելու և չլճարելու իր գործելաոճով է հայտնի, ինչի հետեւանքով զանգվածային ազատման դիմումներ են գրում այդ հիմնարկի աշխատակիցները: Շատերն էլ ազատման դիմումներ չեն գրել՝ վախենալով, որ իրենց ծեծի կենթարկեն. պարզապես աշխատանքի չեն գնում:

Հետաքրքրվեցինք քաղաքապետարանից, թե ինչ տեղեկություն ունի քաղաքապետարանը այս մասին, ինչ մթնոլորտում են աշխատում «Երեւանի աղբահանություն և սանիտարական մաքրում» հիմնարկում, և ինչու են աշխատակիցները ազատման դիմումներ գրում, որին քաղաքապետարանից պատասխանեցին. «Հիմնարկի տնօրեն Բ. Աղաջանյանի դեմ տարածված անհիմն տեղեկություններն այն մասին, թե հիմնարկում տիրում է վախի մթնոլորտ, և աշխատակիցներին ստիպողաբար աշխատեցնում է առանց հավելվածարի, չեն համապատասխանում իրականությանը: Նշելք նաեւ այն, որ տնօրենը աշխատակիցների նկատմամբ երբեւէ ֆիզիկական ուժ չի գործադրել, իսկ արտաժամյա աշխատանքի դիմաց աշխատակիցները ստացել են լրավճար: Բ. Աղաջանյանը գործում է՝ ՀՀ օրենսդրության, հիմնարկի կանոնադրության, հիմնադրի, լիազոր մարմնի կողմից տրված հանձնարարականների համաձայն»:


«Քաղաքացիական պայմանագիր» խմբակցության պատգամավոր Արեն Արտյուխյանը, որը ծախող էր Ավազյանի (նրա հայրենակիցներն իրեն չընտրեցին), վերադարձել է խորհրդարանական կյանք և լուռ ունեցվածք է դիզում: Նա հիպոտեկով բնակարան է ձեռք բերել «ՕՐԴ ԴԵՎԵԼՈՓՄԵՆՏ» ՍՊԸ-ից, որի մայր գումարի մնացորդը հայտարարատու տարում կազմում է 17 մլն 597 հազար դրամ: Նրա տարեկան եկամուտները կազմել են 10 մլն 995 հազար դրամ, որը աշխատանքի վարձատրություն է Ազգային ժողովի աշխատակազմի կողմից: Նրա կանխիկ դրամական միջոցները տարեվերջին ավելացել են՝ կազմելով 3 մլն 611 հազար դրամ, իսկ բանկային դրամական հաշիվները կազմել են 1 մլն 010 հազար դրամ: Մարզում քաղաքական հաջողություն չգրանցած Արտյուխյանը ուժերը փորձել է՝ Ազգային ժողովում պատգամավոր դառնալով: Նա 2019 թվականին ձեռք է բերել 2013 թվականի արտադրության Mazda մակնիշի ավտոմեքենա: Արտյուխյանի կինը՝ Կարինե Ազարյանը, 2021 թվականին ձեռք է բերել մեքենա Hyundai մակնիշի: Նրա բանկային հաշիվները կազմել են 377 հազար դրամ, իսկ կանխիկ դրամական միջոցները՝ 2 մլն 900 հազար դրամ: Նրա տարեկան եկամուտները կազմել են 5 մլն 771 հազար դրամ, որից 743 հազար դրամը աշխատանքի վարձատրություն է Երեւանի Միսթար Զերաբու անվան պետական բժշկական համալսարանից, որտեղ դասախոսում է: Կնոջ քաղաքացիաիրավական այլ պայմանագրերից ստացված եկամուտը կազմել են 4 մլն 517 հազար դրամ էրեւոնի բժշկական կենտրոնից և 510 հազար դրամ «ԼԵ ԼԱԲՈՂԱՏՈՒՆՆԵՐ ՍԵՂՎԻԵ ՍԱՍ ԸՆԿ» ՅՄ-ից: Ստացված վարկերի և փոխառությունների մայր գումարի մնացորդը հաշվետու տարվա դեկտեմբերի 31-ի դրությամբ կազմել է 3 մլն 618 հազար դրամ: Հիշեցնենք, որ նախկինում լրատվական դաշտում աշխատած Արեն Արտյուխյանը մինչ պատգամավոր դառնալը տուն չի ունեցել:



«Ժողովուրդ» օրաթերթը իր աղբյուրներից տեղեկացավ, որ Հակակոռուպցիոն կոմիտեում հերթական ծանուցագիրն են նախապատրաստում. այս անգամ այն ուղարկելու են ՀՀ առողջապահության նախարար Անահիտ Ավանեսյանին: Ասել է թե՛ Արսեն Թորոսյանից հետո նախապատրաստվում են լսել գործող նախարար Անահիտ Ավանեսյանին: Մեզ հասած տեղեկությունների համաձայն՝ Թորոսյանի հարցաքննությունից հետո նախաքննական մարմինը փակուղի է մտել, ու չի բացառվում, որ գործը ջարդեն բժիշկների գլխին, իսկ խոշոր ձկներին պատասխանատվության չկանչեն, ինչպես ավանդաբար: Թե ինչից հետո են իրավապահները որոշել չզննել խոշոր ձկների հետեւից, կներկայացնենք առաջիկայում: Հիշեցնենք, որ «Ժողովուրդ» օրաթերթը գրել էր՝ ԱԺ ԲԴ խմբակցության պատգամավոր Արսեն Թորոսյանը վերջապես ներկայացել է Հակակոռուպցիոն կոմիտե և հարցաքննվել է: Հիմա գնդակը կոմիտեի դաշտում է. տեսնենք, թե ինչ կանի կոմիտեն Թորոսյանի հետ, և ինչ է սպասվում նրան: «Ժողովուրդ» օրաթերթը դիմեց Հակակոռուպցիոն կոմիտե, որտեղից դարձյալ չմեկնաբանեցին Թորոսյանի հարցաքննության վերաբերյալ տեղեկությունները՝ Նշելով, որ որեւէ քրեական վարույթով իրականացվող հարցաքննությունների կամ հարցաքննված անձանց վերաբերյալ տվյալներ չեն հրապարակում:



Նոր իշխանությունները դեռ 2018 թվականին փաստում էին, որ վերջ է տրվելու «ԽԾԲ»-ով՝ «խնամի-ծանոթ-բարեկամ» տարբերակով պաշտոնի նշանակումներին: 2018 թվականից, սակայն, Վիճակագրական կոմիտեի նախագահի տեղակալ նշանակվել է Գագիկ Գեորգյանը, որն աշխատանքի վարձատրություն է ստացել ՀՀ վիճակագրական կոմիտեից 10 մլն 055 հազար դրամի չափով: Իսկ նրա եղբայրը Արսեն Գեորգյանը դարձել է Հաշվեքննիչ պալատի անդամ, որը Հաշվեքննիչ պալատից ստացել է 11 մլն 356 հազար դրամ: Արմեն Գեորգյանի ընտանիքի անդամները են աշխատանքի են անցել ՀՀ վիճակագրական կոմիտեում. նրա դուստրը՝ Աննա Գեորգյանը, ըստ իր հայտարարագրի, աշխատում է ՀՀ վիճակագրական կոմիտեում որպես «ՎՏՀ» ծրագրի ԱԸՀ որակի վերահսկող, սակայն, ըստ իր հայտարարագրի, նրա աշխատավայրը Հաշվեքննիչ պալատն է: Գեորգյանի հետ համատեղ բնակվող Անահիտ Օհանյանը աշխատում է իբրեւ «Ազգային վիճակագրական համակարգի ամրապնդման համար ազգային ռազմավարական ծրագրի իրականացում» ծրագրի գնումների մասնագետ և ստացել է 3 մլն 678 հազար դրամ՝ որպես քաղաքացիաիրավական այլ պայմանագրերից ստացված եկամուտ: Հենց այսպես էլ աստիճանաբար պետական կառավարման համակարգում սերտաճում են ընտանիքների անդամները, խարխուլվում է զսպումների և հակակշիռների համակարգը: Ստեղծվում են մենաշնորհներ, որոնք կապված են իրար հետ, և ղեկավարվում են մեկ գլխավոր կենտրոնից:



ԶՐՈՒՅՑ

ԱՐՑԱԽԻ ՄԻՊ-Ի ԱՆԴՐԱԴԱՐՁԸ

Ադրբեջանը հուլիսի 29-ին արգելափակել էր վերցրել ԿԽՄԿ-ի միջոցով Հայաստան սեղանադիր 68-ամյա Վազիֆ Խաչատրյանին: Ադրբեջանի գլխավոր դատախազությունը հայտարարել է, որ նա ձերբակալվել է: Վազիֆ Խաչատրյանը, ըստ մեղադրանքի, իբր, հանցավոր խումբ է ստեղծել, որը 1991թ. դեկտեմբերի 21-ին մասնակցել է Խոջալուի երջանի Մեծալի գյուղի բնակիչների դեմ հանցագործություններին: «Ժողովուրդ» օրաթերթը այս հարցով գրուցել է Արցախի ՄԻՊ Գեղամ Ստեփանյանի հետ:

-Պարոն Ստեփանյան, այս ընթացքում դիմել եք տարբեր կառույցների, այդ թվում՝ Կարմիր խաչին՝ ադրբեջանցիների կողմից ապօրինի առևանգված Վազիֆ Խաչատրյանի հարցով. հաջողվե՞լ է արդյոք որեւէ ձեռնարկ հաստատել նրա հետ:

-Այո՛, դիմել եմ տարբեր կառույցների, Կարմիր խաչն անմիջապես ներգրավված է գործընթացում՝ որպես նաեւ կառույց, որը տեղափոխում է այդ անձի իրականացրել. փաստացի նրանց ներկայությամբ են փախցրել Վազիֆ Խաչատրյանին: Սրանից բացի, իրավական այլ գործիքակազմեր եւս կիրառվում են իմ եւ Հայաստանի ՄԻՊ-ի կողմից, նաեւ միջազգային իրավական հարցերով ներկայացուցչի գրասենյակի կողմից: Երեւել է արդեն տեղեկություն ստացվեց, որ ՄԻԵԴ-ը Ադրբեջանին ժամանակ է տվել, որ մինչեւ օգոստոսի 8-ը դատարանին տեղեկություն տրամադրի Վազիֆ Խաչատրյանի մասին:

-Հաշվի առնելով Ադրբեջանի գործելանոցը, որ ձեռք բերված որեւէ պայմանավորվածություն չի պահում, ի՞նչ եք կարծում, այս անգամ կկատարի՞ ՄԻԵԴ-ի որոշումը, կտրամադրի՞ տեղեկություն Վազիֆ Խաչատրյանի մասին:

-Տեղեկություն կտրամադրի, բայց դա բավարար չէ, դրանից հետո պետք է գործընթաց գնա, որը միտված լինի Վազիֆ Խաչատրյանի հայրենադարձությանը: Երկու հիմնական ուղղություն պետք է մատնանշենք՝ մեկը՝ իրավական, մյուսը՝ քաղաքական, այս երկուսը զուգահեռ պետք է գործադրենք:



-Կարմիր խաչի ներկայացուցիչը հանդիպել էր Վազիֆ Խաչատրյանի հետ: Ի՞նչ պայմաններում էր նա պահվում, առողջական ի՞նչ վիճակում էր նա գտնվում, գրուցե՞լ եք ԿԽՄԿ ներկայացուցչի հետ:

-Ես նրանց հայտարարությունից եմ տեղեկացել, որ եղել են Վազիֆ Խաչատրյանի մոտ, ու, ըստ իրենց պնդման, առողջական վիճակը նորմալ է:

-Ի՞նչ եք կարծում, եթե Ադրբեջանը հրաժարվի վերադարձնել մեր քաղաքացուն կամ վերադարձնի խոշտանգված վիճակում, նրա նկատմամբ պատժամիջոցներ կկիրառվե՞ն:

-Բարդ հարց է. բնականաբար, պետք է հաջորդ քայլը պատժամիջոցներ կիրառել լինի, բայց բազմաթիվ օրինակներով տեսել ենք, թե մեր ռազմագերիների նկատմամբ ինչ վերաբերմունք են կիրառել, բազմաթիվ օրինակներ ունենք, որ Ադրբեջանը միջազգային հումանիտար իրավունքի կոպտագույն խախտումներ է թույլ տալիս: Չեմ կարող ասել, թե Վազիֆ Խաչատրյանի դեպքում ինչ կլինի, բայց այն, որ որեւէ ջանք չպետք է խնայվի արդյունքի հասնելու համար, փաստ է:

Զրույցը ՔՐԻՍՏԻՆԱ ՄՈՒԵՆՅԱՆԸ

ՏԵՍԱԿՑՈՒԹՅՈՒՆ՝ ՓԱՏՏԱԹՂԹՈՎ

Առողջապահության նախարար Անահիտ Ավանեսյանը հեղթական արտուրդ հրաման է ստորագրել, ըստ որի՝ բժշկական հաստատություններում կարմիր խաչի պայմանավորված տեսակցությունները արգելվում են: Մասնավորապես, կարող են տեսակցել հիվանդին, եթե ներկայացնում են կարմիր խաչի պատվաստման կամ նախկինում հիվանդացման փաստը հաստատող փաստաթուղթ: Այսինքն՝ այժմ հիվանդանոցներում բուժաշխատողները հիվանդատու եկած մարդկանցից պետք է փաստաթղթեր պահանջեն՝ տեսակցություն թույլ տալու համար: Փաստացի ԱՆ-ն կորից դիմել է կրոնավարությանի ժամանակ իր կիրառության անարդյունավետությունը եւ անիմաստությունը ապացուցած էին ու փորձված մեթոդին. չէ՛ որ այդ ժամանակ էլ տեսակցությունները արգելում էին, բայց դրանից դուրս կորոնան շարունակում էր տարածվել: Հարց է առաջանում՝ հիվանդի հարազատին տեսակցությունը արգելելով՝ ավելի քիչ կտարածվի կարմիր խաչ: Հասարակական տրանսպորտում, մասնաշարժային միջոցառումներին ինչո՞ւ կանխարգելիչ եւ հակահամաճարակային միջոցառումներ չկան: Միշտ նույն հասցեն ունեն հրամանները. ինչպես ասում են, դուք ուրիշ հերոսի անուն չգիտե՞ք:

Հիշեցնենք, որ ավելի վաղ առողջապահության նախարարը հրաման էր ստորագրել բուժաշխատողների պատվաստման մասին, ըստ որի՝ անկախ նրանից՝ անձը շփվել է կարմիր խաչի հետ, թե ոչ, պետք է պատվաստվի մեկ դեղաչափ, եթե դեռ չի պատվաստվել կամ չի հիվանդացել կարմիր խաչով: «Ժողովուրդ» օրաթերթը դիմեց ՀՀ առողջապահության նախարարությանը այս հարցերի հետ կապված մեկնաբանություն ստանալու համար, սակայն անարդյունք. հրաժարվեցին որեւէ մեկնաբանություն տալ:

ՄԱՐՈՒԹՅԱՆԻՆ ՄԵՐԺԵԼ ԵՆ

Երեւանի նախկին քաղաքապետ, դերասան Հայկ Մարությանը մերժվել է նաեւ «Ինքնիշխան Հայաստան» կուսակցության ղեկավար Դավիթ Սանասարյանի կողմից:

«Ժողովուրդ» օրաթերթը գրել էր, որ Հայկ Մարությանը այս օրերին «փնտրություններ» մեջ է. նա մեծ ցանկություն ունի մասնակցել աշխարհ սպասվող ավազանու ընտրություններին, բայց չի գտնվում քաղաքական ուժ, որի ցուցակով կառաջադրվի. ում դիմում է, մերժում են: Ավելի վաղ «Ժողովուրդ» օրաթերթը գրել էր, որ Մարությանը, մերժումներ ստանալով ՀԱԿ-ի, ՀԺԿ նախագահ Ստեփան Դեմիրճյանի կողմից, որոշել է դիմել «Ինքնիշխան Հայաստան» կուսակցության նախագահ Դավիթ Սանասարյանին: Վերջինս նախկին համաձայնել է, եւ սեպտեմբերի 17-ին Երեւանի նախկին քաղաքապետը կրկին պիտի փորձեր իր ուժերը Երեւանի ավազանու ընտրություններին: Ինչպես մեր աղբյուրներն են փոխանցում գործը գլուխ չի եկել. Հայկ Մարությանի ու Դավիթ Սանասարյանի միջեւ սեւ կատու է անցել, ու Սանասարյանը եւս մերժել է Մարությանին:

Տեղեկությունը ճշտելու համար դիմեցինք Դավիթ Սանասարյանին. «Նման բան չկա, տարբեր քաղաքական ուժերի ու անհատների հետ քննարկումներ եղել են, բայց չեմ կարող ասել՝ կոնկրետ Հայկ Մարությանը մեզ դիմել է: Նրա հետ էլ որեւէ կոնֆլիկտ չի եղել, չկա նման բան»,- ասաց նա: Այլ կերպ ասած, պայմանավորվածությունը մինչեւ վերջ չի կայացել:

ՀՐԱՎԵՐ

ԿԸՂ-Ն՝ ԿՈՒՍԱԿՑՈՒԹՅՈՒՆՆԵՐԻՆ

Կենտրոնական ընտրական հանձնաժողովը Երեւանի ավազանու ընտրություններով հետաքրքրված կուսակցություններին հրավիրում է ֆննհարկման:

ԿԸՂ-ից «Ժողովուրդ» օրաթերթին հայտնում են, որ ԿԸՂ տեղեկատվական տեխնոլոգիաների եւ տեղեկատվության վերլուծության վարչության աշխատակիցները հանդիպմանը կուսակցության ներկայացուցիչներին կներկայացնեն կայքի էլեկտրոնային համակարգի նոր գործիքակազմերը:

«Այս ընտրություններին կուսակցությունները ԿԸՂ-ից ստանալու են իրենց օգտահաշիվները, որի միջոցով մուտքագրելու են ե՛լ իրենց ընտրական ցուցակները, ե՛լ գույքի եւ եկամուտների հայտարարագրերը»,- ասված է հաղորդագրությունում:

Ծրագրի միջոցով ներկայացվելու է նաեւ հինգ քառակուսի մետրը գերազանցող մակերեսով, ինչպես նաեւ մետրոպոլիտենի տարածքում, հասարակական տրանս-

պորտի կանգառներում եւ վերելակներում տեղակայված արտաքին գովազդային վահանակների հայտերը:

ԿԸՂ-ն ցանկալի է համարում, որ քննարկմանը ներկա լինեն այն անձինք, որոնք զբաղվելու են օգտահաշիվ ստանալու եւ ցուցակները մուտքագրելու գործընթացով:

Հանդիպումը կայանալու է օգոստոսի 2-ին՝ ժամը 14:00-ին, ԿԸՂ վարչական շենքում:

Հիշեցնենք՝ Երեւանի ավազանու ընտրությունները տեղի կունենան սեպտեմբերի 17-ին: «Քաղաքացիական պայմանագիր» կուսակցության քաղաքապետի թեկնածուն նախկին փոխվարչապետ, այժմ Երեւանի փոխքաղաքապետ Տիգրան Ավինյանն է:

Ընտրություններին կմասնակցեն նաեւ «Լույս» խմբակցության ղեկավար Դավիթ Խաժակյանը, Երեւանի Կենտրոն վարչական շրջանի նախկին ղեկավար Վիկտոր Մնացականյանը, ինչպես նաեւ «Ապրելու

երկիր» կուսակցության նախագահ Մանե Թանդիլյանը:

Քաղաքապետի պաշտոնի համար կապաքարի նաեւ «Ազգային առաջընթաց» կուսակցությունը, որի ցուցակը կգլխավորի վարչության անդամ Հայկ Գրիգորյանը:

ԱԺ նախկին պատգամավոր, ԱԱԾ նախկին ղեկավար, «Հայրենիք» կուսակցության նախագահ Արթուր Վանեցյանը չի բացառել, որ կառաջադրի իր թեկնածությունը Երեւանի քաղաքապետի ընտրություններում:

Երեւանի քաղաքապետի պաշտոնի է հավակնում նաեւ ՀՀ արդարադատության նախկին նախարար, «Հանրապետություն» կուսակցության քաղաքապետի անդամ Արտակ Զեյնալյանը:

«Հայաստան» դաշինքը քննարկում է Երեւանի ավազանու ընտրությունների մասնակցելու հարցը:

Երեւանի ավազանու ընտրությունների կմասնակցի նաեւ «Հանուն սոցիալական արդարության» կուսակցությունը:

ԱՆՊՐԱՂԱՐՁ

ԱՆՊՐԱՆԻԿ ԲՈՉԱՐՅԱՆԸ՝ ՏՈՆՈՅԱՆԻ ՄԱՍԻՆ

ԵՂԽՆ

ԿՈՉ Է ԱՆՈՒՄ

Եկեղեցիների համաշխարհային խորհուրդը (ԵՅԽ) կոչ է անում Ադրբեյջանին անհապաղ վերացնել Լեռնային Ղարաբաղի շրջափակումը...

Այս մասին «Ժողովուրդ» օրաթերթը տեղեկանում է Եկեղեցիների համաշխարհային խորհրդի տարածած հայտարարությունից:

«Քանի որ հումանիտար ճգնաժամը շրջափակված Լեռնային Ղարաբաղում (Արցախում) հասնում է ողբերգական մակարդակի, Եկեղեցիների համաշխարհային խորհուրդը վերահաստատում է իր հայտարարություններն ու դիրքորոշումները միջազգային հանրության կողմից հրատապ եւ անհապաղ գործողությունների անհրաժեշտության վերաբերյալ»...

Մարդիկ չունեն սնունդ, դեղորայք, լույս եւ գազ: Եկեղեցիների համաշխարհային խորհուրդը կոչ է անում միջազգային հանրությանն անհապաղ եւ արագ միջամտել շրջափակումը դադարեցնելու եւ արցախցիների կյանքերը փրկելու նպատակով...

Եկեղեցիների համաշխարհային խորհուրդը կոչ է անում Ադրբեյջանին եւ ներգրավված այլ ուժերին անհապաղ վերացնել շրջափակումը եւ վերաբացել Լաչինի միջանցքը, որպեսզի երաշխավորվի քաղաքացիական անձանց, տրանսպորտային միջոցների եւ բեռների՝ երկու ուղղություններով անխափան տեղաշարժը...

Եկեղեցիների համաշխարհային խորհուրդը մի քանի հայտարարություններ է արձանագրություններ է արել Արցախի (Լեռնային Ղարաբաղի) վերաբերյալ, այդ թվում՝ ԵՅԽ 11-րդ վեհաժողովի արձանագրությունը՝ վերնագրված «2020 թվականի Լեռնային Ղարաբաղի պատերազմի հետեւանքները», որտեղ վերահաստատել է իր դատապարտումը քիմիական զենքի եւ կասետային զինամթերքի կիրառման, քաղաքացիական անձանց, հիվանդանոցների, հանրային ներթափանցելի կետերի եւ այլ օբյեկտների վրա հարձակումների եւ մնացած բոլոր պատերազմական հանցագործությունների, գլխատումների, խռտանգումների եւ այլ վայրագությունների վերաբերյալ, որոնց ակնատես են եղել հակամարտության ընթացքում:

«ՊՆ նախկին նախարար Դավիթ Տոնոյանը, ոնց որ թե, ուզում է բոլորի մեղքը վերցնել իր վրա»,- օգոստոսի 1-ին Ազգային ժողովում լրագրողների հետ զրույցում ասաց ԱԺ դաշնամուսուկային եւ անվտանգության հարցերի հանձնաժողովի նախագահ Անդրանիկ Քոչարյանը՝ դասասխանելով այն հարցին, թե Տոնոյանն է արդյոք մեղավոր դաշնամուսուկային համար:

«Մեծ ծավալի պատերազմներին ամբողջ երկիրը պետք է պատրաստ լինի, եւ գինված ուժերը դրան տարիներ շարունակ պիտի պատրաստվեն, միայն 2018-2020 թվականը չէր: Պարոն Տոնոյանը, ոնց որ թե, այդ մասը վերցրեց իր վրա: Մենք, բնականաբար, ունենք տեղեկատվություն, թե որը որից հետո էր՝ թե՛ սպառազինության, թե՛ կառավարման վերաբերյալ»,- ասաց Քոչարյանը:

Անդրադառնալով իր կողմից նախկինում արված այն հայտարարությանը, թե Տոնոյանը չի տիրապետել օդից եկող վտանգներին, Քոչարյանն արձագանքեց. «Ես այդ հարցերը տվել եմ սկսած պարոն Տոնոյանի նախկին հայտարարություններին, այնուամենայնիվ նա պատասխաններ տվեց: Երբ ՊՆ նախարարը գուցե տղայական մտեցումով ասում է՝ նոր պատերազմ, նոր տարածքներ, ապա այդ դեպքում թիկունքն ինչքանով էր ապահովված: Մենք ուզում էինք հասկանալ պարոն Տոնոյանի թիկունքն ինչքանով էր ապահովված, երբ ինքը ստանձնեց նախարարի պարտականությունները, որով հետեւ դու հակառակորդին ցույց ես տալիս քո վստահությունը»:

Անդրադառնալով Դավիթ Տոնոյանի այն հայտարարությանը, թե, 2018-ի մայիսի գնահատականներով, 33 ՋՈՒ-երը պատրաստ էր 2-3 անգամ իրեն գերազանցող ուժերի դիմակայել, Անդրանիկ Քոչարյանն ասաց. «Մեր դեմ մի հակառակորդ չի եղել խոսում ենք Թուրքիայի մասին, ահաբեկիչների մասին, վարձկաններ»:

ՕՐՎԱ ԽՃԱՆԿԱՐ

ՓՈԽԱԳՐԱՄԻՋՈՑ՝ ՀՂԻՆԵՐԻ ՀԱՄԱՐ

Արցախի մայրաքաղաք Ստեփանակերտում քաղաքացիների նախաձեռնությամբ կգործի էլեկտրոնոբիլ՝ հղիներին տնից ծննդատուն տեղափոխելու համար: «Սիրելի՛ արցախահայեր, հաշվի առնելով մեր ներկայիս իրավիճակը (տրանսպորտի բացակայություն)՝ տեղեկացնում ենք, որ օգոստոսի 1-ից-13-ը՝ ժամը 10:00-14:00-ն, Ստեփանակերտում կգործի էլեկտրոնոբիլ՝ անվճար, հղի կանանց A կետից (Ստեփանակերտից) ծննդատուն տեղափոխելու համար:

Մանրամասն տեղեկությունների համար կարող եք զանգահարել 097132300 կամ 097132399 (Կարեն):

Եկեք այս օրհասական պահին յուրաքանչյուր մեր ձեռով օգնենք մեր հայրենակիցներին հաղթահարել թշնամու կողմից ստեղծված դաժանագույն խոչընդոտները»,- գրել է Լուսինե Տոնյանը:

ՓՈՓՈԽՈՒԹՅՈՒՆ՝ ՏՐԱՆՍՊՈՐՏՈՒՄ

Մինչ միասնական տոմսային համակարգի ամբողջական ներդրումը Երեւանի ավտոբուսային 35 եւ 74 համարի երթուղիներում մետաղադրամ ընդունող նոր սարք է տեղադրվել:



րի մասին, նրանց սպառազինությունը, մենք չենք ունեցել իրենց հնարավորությունը»:

Նշենք, որ 44-օրյա պատերազմի հանգամանքներն ուսումնասիրող քննիչ հանձնաժողով էր իրավիճակը անազատության մեջ գտնվող պաշտպանության նախկին նախարար Դավիթ Տոնոյանը: Նա պատասխանել է պատգամավորների հուզող հարցերին: Հարցաքննությունը կշարունակվի նաեւ այսօր՝ դեմոսկոպիկ ռեժիմով:

Հիշեցնենք, որ դատարանը թույլատրել է Քննիչ հանձնաժողովի աշխատանքներին մասնակցելու նպատակով 2 օր՝ օգոստոսի 1-2-ին՝ առավոտյան ժամը 9:30-ից մինչեւ հանձնաժողովի աշխատանքի ավարտը, Դավիթ Տոնոյանի մեկնումը մինչեւ ԱԺ հսկիչ-անցագրային կետ, ապա

ԱԺ հսկիչ-անցագրային կետից մինչեւ ԶԿՀ իրականացնել 33 ԱՆ «Երեւան-Կենտրոն» ԶԿՀ վարչակազմի 1 ներկայացուցչի ուղեկցությամբ՝ առանց ձեռնաշղթաների:

Հիշեցնենք նաեւ, որ մեկուկես տարուց ավելի բանտում գտնվող Դավիթ Տոնոյանն օրերս հայտարարեց, որ հուլիսի 4-ին միջնորդություն է ներկայացրել Հակա-կոռուպցիոն դատարան՝ խնդրելով թույլատրել, որ ներկայանա ԱԺ հանձնաժողովի նիստին: Նա ընդգծել է, որ որոշել է բացատրություններ տալ՝ արձագանքելով Նիկոլ Փաշինյանի եւ ԳՇ նախկին պետ Օնիկ Գասպարյանի հայտարարություններին: «Ունենալով առանցքային դերակատարում պատերազմի ղեկավարման ժամանակ՝ շատ ասելիք ունեմ հանձնաժողովին»,- հայտարարել էր նա:

բուժօգնության եւ հնարավոր վերադարձի մասին:

ՇԻՆԱՐԱՐՈՒԹՅԱՆ ՊԱՐԱՆՋՆԵՐ

Սեպտեմբերի 1-ից ուժի մեջ կմտնեն շինհրապարակների լրացուցիչ կահավորման պահանջները:

Այս մասին հայտնում են Երեւանի քաղաքապետարանից:

«Կառուցապատողների հայկական ասոցիացիա» ՀԿ-ի անդամների եւ այլ կառուցապատող ընկերությունների հետ քննարկվել են ոլորտի խնդիրներն ու նոր կարգավորումները:

Շենքերի եւ շինությունների կառուցման ընթացքում պետք է ապահովվի շինարարությանը համապատասխան բարձրությամբ 180 գրամ/քմ խտությամբ ցանցով ծածկումը:

4-րդ եւ 5-րդ աստիճանի ռիսկայնության օբյեկտների դեպքում կտեղադրվեն օդի որակի մոնիթորինգի սարքավորումներ:

Շինանյութի տեղափոխումը եւ պահպանումը կկազմակերպվի անթափանց թաղանթներով, պահեստավորումը՝ փակ տարածքներում կամ ծածկերով:

Մայրաքաղաքի փողոցները չաղտոտելու համար մեքենաները շինհրապարակից դուրս կգան հատուկ մետաղական էստակադայի վրա լվացվելուց հետո:

Նախկին 100 դրամանոցներ ընդունող սարքի փոխարեն նոր սարքավորումն ընդունում է 50, 100, 200 ու 500 դրամանոցներ եւ վերադարձնում մանրադրամը:

ՏՈՆՈՅԱՆԻ ՄԵՐԺԵՑԻՆ

Պաշտպանության նախկին նախարար Դավիթ Տոնոյանը, որը երեկ մասնակցում էր ԱԺ քննիչ հանձնաժողովի նիստին, ցանկացավ ուղիղ տեղում վարչապետ Նիկոլ Փաշինյանի հետ մասնակցել նիստին, նրա հետ ուղիղ տեղում հարցեր քննարկել:

Քննիչ հանձնաժողովը, սակայն, մերժեց նրան՝ ասելով, որ իրենք իրենց ձեռնապահ ունեն:

ՄԻԵԴ-Ը ՈՐՈՇԵՑ

ՄԻԵԴ-ը որոշում է կայացրել Ադրբեյջանին մինչեւ օգոստոսի 8-ը տրամադրել ժամանակ Վազիֆ Խաչատրյանի վերաբերյալ տեղեկատվություն տրամադրելու մասին:

Ադրբեյջանը պարտավոր է դատարանին տեղեկություններ հայտնել այդ անձի գտնվելու վայրի, պահման պայմանների, առողջական վիճակի, ստացած

ՈՒՇԱԳՐԱԿ

ՆԱԽԿԻՆ ՈՍՏԻԿԱՆԱՊԵՏՆ ՈՒ ԳՈՒՍՏՐԸ

«Ժողովուրդ» օրաթերթի տեղեկություններով հսկող դասախազը 2023 թվականի հուլիսի 23-ին հաստատել է ոստիկանության նախկին ոչես Վ.Գ.-ի դուստր Յ.Գ.-ի վերաբերյալ մեղադրական եզրակացությունը եւ քրեական վարույթի նյութերի հետ հանձնել Հակակոռուպցիոն դասարան:



Հիշեցնենք, որ 2022 թվականի նոյեմբերի 30-ին հսկող դասախազի կողմից հանրային քրեական հետապնդում էր հարուցվել Յ.Գ.-ի նկատմամբ՝ 18.04.2003 թվականին ընդունված Քրեական օրենսգրքի 38-179-րդ հոդվածի 3-րդ մասի 1-ին կետով (Յուրացնելուն կամ վատնելուն հանցակցելը):

Հակակոռուպցիոն կոմիտեում քննվող քրեական վարույթով պարզվել է, որ Յ.Գ.-ն, միջոցներ տրամադրելով եւ խոչընդոտներ վերացնելով, օժանդակել է 2012-2018 թվականներին ոստիկանության պետի տեղակալ-ոստիկանության գործերի հրամանատարի պաշտոնը զբաղեցրած Լ.Ե.-ին, որը, պաշտոնական դիրքն օգտագործելով, 2015-2018 թվականների ընթացքում վատնման եղանակով հափշտակել է իրեն վստահված առանձնապես խոշոր չափերով գույքը:

Մասնավորապես՝ 2011-2018 թվականներին ոստիկանության պետի պաշտոնը զբաղեցրած Վ.Գ.-ն, 2015 թվականի մարտի 7-ի թիվ 490-Ա հրամանով, իր դստերը՝ Յ.Գ.-ին, նշանակել է Ոստիկանության գործերի շտաբի օպերատիվ բաժնի ավագ սպայի պաշտոնին: Այնուհետև Ոստիկանության գործերի հրամանատար Լ.Ե.-ի հրամանով Յ.Գ.-ն նշանակվել է Ոստիկանության գործերի անձնակազմի հետ տարվող աշխատանքների բաժանմունքի պետի պաշտոնին: Նա ստացել է ոստիկանության փոխգնդապետի կոչում, որից երեք օր անց, Ոստիկանության գործերի հրամանատար Լ.Ե.-ի՝ 2018 թվականի մարտի 19-ի 248-Ա հրամանով, Յ.Գ.-ն կրկին նշանակվել է

Ոստիկանության գործերի շտաբի օպերատիվ բաժնի ավագ սպայի պաշտոնին: Ոստիկանության պետի՝ 2018 թվականի մայիսի 10-ի 1388-Ա հրամանով՝ Յ.Գ.-ի կողմից ներկայացված զեկուցագրի հիման վրա՝ վերջինս ազատվել է Ոստիկանությունում ծառայությունից:

Նշված պաշտոնին նշանակվելուց հետո՝ մինչև պաշտոնավարման դադարեցումը, Յ.Գ.-ն առհասարակ ծառայության չի ներկայացել, ծառայողական պարտականությունները չի կատարել:

Ոստիկանության գործերի հրամանատար Լ.Ե.-ն, քաջատեղյակ լինելով Յ.Գ.-ի կողմից ավելի քան երեք տարի՝ 2015 թվականի մարտի 7-ից մինչև 2018 թվականի մայիսի 10-ն ընկած ժամանակահատվածում ծառայողական պարտականություններն անհարգելի պատճառով չկատարելու, սահմանված կարգով ծառայության չներկայանալու մասին, ոչ միայն չի ձեռնարկել կանխարգելիչ միջոցառումներ, այլև յուրաքանչյուր ամիս իր ստորագրությամբ հաստատել է Ոստիկանության գործերի ամսական ֆինանսավորման հայտերը եւ ֆինանսների նախարարություն ուղարկված վճարման հանձնարարագրերը՝ դրանցում ներառելով ծառայության չներկայացած եւ ծառայողական պարտականությունները

ՈՒՇԱԳՐԱԿ

ԹՈՒՆԱՎՈՐԵԼ Է ՄՈՐԸ

«Ժողովուրդ» օրաթերթին հայտնի դարձավ, որ Սիրամարգ Կարլենի Մելիքյանը 2022 թվականի փետրվարի 12-ին՝ ժամը 09:30-ի սահմաններում, գտնվելով Ստեփանավան քաղաքի Աշոտաբերդ թաղամասի 10-րդ շենքի թիվ 3 բնակարանում եւ նախապես տեղյակ լինելով այդ բնակարանի խոհանոցում կրծող կենդանիներին ոչնչացնելու նպատակով իր մոր՝ Սվետլիկ Մելիքյանի կողմից պոլիմերային տարայի մեջ դրված մկնդեղի գրանուլաների մասին, դրանք, իր ընկալմամբ, համարելով մարդու համար թունավոր, Սվետլիկ Մելիքյանի կողմից նույն խոհանոցում կերակուր պատրաստելու ընթացքում, տեսնելով վերջինիս խոհանոցից դուրս գալը եւ այլ սենյակ գնալը, աննկատ կերպով՝ գաղտնի, մուտք է գործել նշված խոհանոց, դիտավորյալով հիշյալ պոլիմերային տարայի մեջից վերցրել եւ կերակուրի կաթասի մեջ է լցրել մկնդեղի գրանուլաներ, ապա դուրս եկել խոհանոցից, սակայն իր կամքից անկախ հանգամանքներով հանցանքն ավարտին չի հասցրել՝

Սվետլիկ Մելիքյանի կողմից հիշյալ գրանուլաները նկատելու եւ կերակուրը չօգտագործելու պատճառով:

ՔՆԱՐ ՄԱՆՈՒԿՅԱՆ

ՉԵՂԱՐԿԵԼ ԵՆ ԱՄՐԱԳՐՈՒՄՆԵՐԸ

Գյումրիում օգոստոսի 5-11-ը կայանալիք Համահայկական ամառային խաղերի պատճառով հյուրանոցներում ազատ համար դժվար է գտնել: Ավելին՝ մեր խմբագրությունը ահագանգ է ստացել քաղաքացուց, որը պատմել է, որ դեռեւս շաբաթներ առաջ «Գյումրի» հյուրանոցում սենյակ էր ամրագրել, իսկ օրերս հյուրանոցը որոշել է չեղարկել ամրագրումը եւ դա պատճառաբանել «տեխնիկական խնդիրներով»:

Քաղաքացին նկատել է, որ նույն հյուրանոցում սենյակի գինը երեք անգամ թանկացել է. եթե ինքը ամրագրել էր 28 հազար դրամով, չեղարկումից հետո այն արժե 70 հազար դրամ, այսօր արդեն որեւէ ազատ սենյակ այդ հյուրանոցը չու-

● Ըստ ոստիկանության տվյալների՝ հուլիսի 31-ից օգոստոսի 1-ը Հայաստանի Հանրապետությունում բացահայտվել է հանցագործության 64 դեպք, որոնցից 3-ը՝ նախկինում կատարված:

ՈՒՇԱԳՐԱԿ

ՈՐԻՆ Է ԱԶԱՏՈՒԹՅԱՆ ԳԻՆԸ

ՀՀ պաշտպանության նախկին նախարար Դավիթ Տոնոյանը երեկ ներկայացել էր 2020 թվականի սեպտեմբերի 27-ին սանձազերծված ռազմական գործողությունների հանգամանքների ուսումնասիրման նպատակով ստեղծված ԱԺ քննիչ հանձնաժողով: Ողջ նիստի ընթացքում Դավիթ Տոնոյանը որեւէ բասացական գնահատական չտվեց ՀՀ վարչապետ Նիկոլ Փաշինյանի կողմից 44 -օրյա պատերազմում կատարված գործողությունների մասով:

Դատելով Դավիթ Տոնոյանի կողմից ԱԺ քննիչ հանձնաժողովում հնչած գնահատականներից՝ կարելի է ենթադրել, որ նրան ԱԺ հրավիրելը եւ ուղիղ եթերով որեւէ տուր հարցադրումներ չաւելելը եւ, դեռ ավելին, ՀՀ վարչապետի գործողություններին դրական գնահատականներ տալը ունի կոնկրետ նպատակ: Ասել է թե՛ չի բացառվում, որ այս հանձնաժողովի նիստից որոշ ժամանակ անց 1,5 տարի կալանքի տակ գտնվող Դավիթ Տոնոյանը հայտնվի ազատության մեջ:

ԻՆՔՆԱԿԱՄ ԱԱԾ-ՈՒՄ

«Ժողովուրդ» օրաթերթի տեղեկությունների համաձայն՝ ՀՀ վերաքննիչ դատարանը բեկանել է Հակակոռուպցիոն դատարանի որոշումը Դավիթ Գալստյանին՝ բոլորին հայտնի Պատրոկ Դավիթյան գրավի դիմաց ազատ արձակելու որոշումը, ինչի արդյունքում Դավիթ Գալստյանը կրկին կկալանավորվի: Մեզ նաեւ հայտնի դարձավ, որ նա որոշեց ներկայանալ ԱԱԾ, ասել է թե՛ Դավիթ Գալստյանը չսպասեց, որ ԱԱԾ աշխատակիցները գան եւ նրան տանեն մեկուսարան, այլ ինքնակամ պատրաստվում է ներկայանալ ԱԱԾ մեկուսարան:

Հիշեցնենք, որ Հակակոռուպցիոն դատարանը հունիսի 28-ին 40 միլիոն գրավի դիմաց ազատ էր արձակել գործարար Դավիթ Գալստյանին՝ Պատրոկ Դավիթյան:

ՀԱՅՏՆԱԲԵՐՎԵԼ Է ԶԵՆՔ-ԶԻՆԱՄԹԵՐԸ

Կոտայքի մարզի Քանաքեռավան գյուղի 43-ամյա քանաքեռավանցու տան խուզարկությամբ զենք-զինամթերք է հայտնաբերվել:

«Ոստիկանությունից հայտնում են, որ հուլիսի 27-ին նրա տանը խուզարկություն է կատարվել: Հայտնաբերվել են 109 փամփուշտ, 4 հեռադիտակ, զենքի մաքրման համար նախատեսված պարագաներ, CKC տեսակի 7.62 մմ տրամաչափի ինքնաձիգ, ինքնաձիգի շամփուր եւ պահեստաուփեր, 1 պարկուճ, 1 նռնակ, «Տրոտիլ» տեսակի պայթուցիկ նյութ եւ դրա բաղադրիչ մաս կազմող առարկաներ, ավտոմեքենաների 23 պետհամարանիշներ: Նրան պատկանող Audi մեքենայի խուզարկությամբ հայտնաբերվել է երկայթե մահակ»,- հայտնել է իրավապահ կառույցը: Քանաքեռավանցին ձարբակվել է: Նա եւ կազմված փաստաթղթերը ներկայացվել են նախաքննական մարմին: Հանգամանքները պարզվում են:

Մ. Ս.

ՀԱՍԱՐԱԿՈՒԹՅՈՒՆ

ՄԱՐԶ

ԳԱՏԱՎՈՐՆ ԻՆՔՆԱԲԱՑԱՐԿ ՀԱՅՏՆԵՑ

Հուլիսի 31-ին Տավուշի մարզի առաջին ատյանի ընդհանուր իրավասության դատարանի Բերդ քաղաքի նստավայրում կայացավ ԱԺ նախկին պատգամավոր, նախկինում ՀՀԳ գերագույն մարմնի անդամ Սուրեն Մանուկյանի եւ 3 այլ անձանց գործով նախնական դատական նիստը: Նրանք մեղադրվում են 2022թ. հուլիսի 27-ին Իջեան համայնքի Աջաջուր բնակավայրի 1-ին փողոցում գտնվող իր տնից ԱԺ նախկին պատգամավոր, գործարար Խաչատուր Քոչոբեյանի 84-ամյա հորը՝ Գրիշա Քոչոբեյանին առեւանգելու, նրան Լոռու մարզի Ծաթեր գյուղ տանելու, այդ գյուղի բնակիչներից մեկից վարձակալած հյուրատանը մինչեւ 2022թ. օգոստոսի 2-ը մշտապես պահելու, նրան ազատելու համար 3 միլիոն դոլար գումար ստանալու պահանջով Խ. Քոչոբեյանին «WhatsApp» հավելվածի միջոցով հաղորդագրություն ուղարկելու, նշված գումարից 20.000 ԱՄՆ դոլարն իրենց կողմից նախապես ուղարկված կրիպտոարժույթի հաշվին ստանալու համար: Սուրեն Մանուկյանին եւ 3 այլ անձանց մեղադրանք է առաջադրվել՝ ՀՀ քրեական օրենսգրքի 191-րդ հոդվածի 2-րդ մասի 5-րդ կետով եւ 258-րդ հոդվածի 3-րդ մասի 3-րդ կետով: Ս. Մանուկյանի նկատմամբ որպես խափանման միջոց է կիրառվել կալանքը, Ա. Քամայանի նկատմամբ՝ տնային կալանքը: Ս. Մուրադյանի նկատմամբ որպես խափանման միջոց է կիրառվել բացակայելու արգելքը, իսկ Թ. Պողոսյանի նկատմամբ խափանման միջոց չի կիրառվել՝ վերջինիս ազատազրկման մեջ գտնվելու պատճառով: Ուշագրավ է, որ «Դատալեքս» դատական տեղեկատվական համակարգում տեղեկություններ չկան այս գործով Բերդ քաղաքում կայացած նախնական դատական նիստի մասին: Բերդ քաղաքում կայացած նախնական դատական նիստը հեռաձայնով է «Երկիր մեդիա» հեռուստաընկերության ուղիղ եթերում: Սուրեն Մանուկյանն առաջադրված մեղադրանքում իրեն մեղավոր չի համարում՝ համարելով, որ իր հանդեպ հարուցված քրեական վարույթը սարքված է: Քրեական վարույթը քննող Տավուշի մարզի առաջին ատյանի դատավոր Սամվել Մարդանյանը հուլիսի 31-ին ինքնաբացարկ է հայտնել՝ պատճառաբանելով, որ ամբաստանյալներից Սուրադ Մուրադյանի հոր՝ Ալբերտ Մուրադյանի հետ, որը 1900-ական թվականներին եղել է հակահետախուզության պետ, 1990-ական մինչ այժմ ինքն ընկերական հարաբերությունների մեջ է, ուստի այդ գործով չի կարող անաչառ դատավոր լինել: Ս. Մարդանյանն ինքնաբացարկի իր որոշումը կհանձնի Տավուշի մարզի ընդհանուր իրավասության դատարանի նախագահին, քրեական վարույթի քննությունը կհանձնվի այլ դատավորի: Առաջիկայում այդ գործով Տավուշի մարզի առաջին ատյանի դատարանի Իջեան քաղաքի նստավայրում նիստեր կնշանակվեն:

ՈՍԿԱՆ ՄԱՐԳԱՅԱՆ Տավուշ

ՎԻՃԱԿԱԳՐՈՒԹՅՈՒՆ

ՄԱՐԵՐ՝ ԾԽԵԼՈՒ ԿԵՏԵՎԱՆՔՈՎ

Մոտ 1,3 մլն մարդ աշխարհում ամեն օրի մահանում է դասիվ ծխելու հետևանքով: Այս մասին հայտարարել է Առողջապահության համաշխարհային կազմակերպությունը 2023թ. ծխախոտի գլոբալ համաճարակի մասին իր զեկույցում:

«Ամեն տարի ծխախոտի երկրորդային ծխի [ծուխ, որն արտաշնչում է ծխողը, ինչպես նաև արձակվում է ծխախոտից] ազդեցությունից մահանում է մոտ 1,3 մլն մարդ: Այդ բոլոր մահերը կարելի է կանխել», - նշել են զեկույցի հեղինակները: Նրանք հիշեցրել են, որ պասիվ ծխելը «ստեղծում է մահվան ռիսկեր սիրտ-անոթային, շնչառական, օնկոլոգիական հիվանդություններից, կաթվածից եւ 2-րդ տեսակի դիաբետից»: ԱՅԿ-ում կարծում են, որ բոլոր երկրները, անկախ իրենց եկամուտի մակարդակից, «հնարավորություն ունեն կրճատելու մահասփյուռ ծխախոտի արտադրանքի պահանջարկը»:

Աշխարհի 44 երկրներում, որտեղ ապրում է 2,3 մլրդ մարդ, ընդունված չէ ԱՅԿ երաշխավորած վեց հակածխախոտային միջոցներից (որոնք ստացել են MPOWER անվանումը) ոչ մեկը: Հանձնարարականների այդ համալիրը, որը ստեղծվել է 15 տարի առաջ, ներառում է ծխախոտի օգտագործման մոնիթորինգը, մարդկանց պաշտպանությունը ծխախոտի ծխից, օգնության տրամադրումը ծխելը դադարեցնելու նպատակով, նախագուշացումը ծխախոտի հետ կապված վտանգների մասին, ծխախոտի արտադրանքի գովազդի վերահսկողությունը եւ դրա հարկերի բարձրացումը: ԱՅԿ-ում երկրներին կոչ են արել «արագացնել ծխախոտի ծխից ազատ շրջակա միջավայրի մասին օրենքների ընդունումը»:

Ձեկույցում նշվել է, որ «չնայած ուժեղ ընդդիմությանը» ծխախոտի արդյունաբերության եւ նրանց կողմից, ովքեր կապ ունեն դրա հետ, աշխարհի պետությունների գրեթե կեսը ընդունել է օրենքներ ռեստորաններում, սրճարաններում եւ բարերում ծխախոտի ծխից լիովին ազատ տեղերի ստեղծման մասին: Պետությունների երեք քառորդը մտցրել է կանոններ, որոնք մարդկանց պաշտպա-



նում են ծխախոտից բուժական եւ ուսումնական հաստատություններում:

Ձեկույցում դրական են գնահատվել վերջին մեկուկես տասնամյակում ծխելու դեմ պայքարի ոլորտում տեղի ունեցած տեղաշարժերը: Ծխողների բաժինն աշխարհում կրճատվել է՝ 2007թ. 22,8 տոկոսից 2021-ին հասնելով 17 տոկոսի, ինչը «համաշխարհային հանրության հավաքական եւ համակարգված ջանքերի արդյունքն է»: «Եթե այդ բաժինը չկրճատվեր, ապա այսօր կլինեին 300 մլն հավելյալ ծխողներ», - փաստել են փորձագետները:

2022թ. 5,6 մլրդ մարդ ապրել է այն երկրներում, որտեղ իրականացվել է MPOWER վեց հանձնարարականներից գոնե մեկը: Դա հինգ անգամ ավելին է, քան 2007թ.: «ԱՅԿ-ն համառորեն կոչ է անում բոլոր երկրներին լիովին իրականացնել MPOWER միջոցները, որպեսզի զսպվի ծխախոտի համաճարակը, որն [ամեն տարի] 8,7 մլն մարդու կյանք է խլում ողջ աշխարհում, եւ պատնեշ դնել ծխախոտի արդյունաբերության լրբիստական ջանքերի դեմ», - ասել է ԱՅԿ առողջության ամրապնդման հարցերի վարչության ղեկավար Ռոդիգեր Կրեյնը:

ՀԱՍՏԱՏՎԵՑ

ԱՋԱԿՑՈՒԹՅՈՒՆ՝ ԶԵՐՄԱՏՆԱՅԻՆ ՏՆՏԵՍՈՒԹՅՈՒՆՆԵՐԻՆ

Գործադիրի որոշումով հաստատվել է Հայաստանի Հանրապետությունում ջերմասնային տնտեսությունների զարգացման աջակցության ծրագիրը:

Նախագիծը մշակվել է՝ հանրապետությունում գյուղատնտեսական բարձր ավելացված արժեք ապահովող արտադրանքի արտադրության եւ արտահանման ծավալների ավելացման, գյուղատնտեսությունը որպես շահութաբեր բիզնեսի տրամաբանությամբ վերագործարկելու անհրաժեշտությամբ պայմանավորված: Նախագծով առաջարկվող ծրագրի հիմնական նպատակն է աջակցությամբ ջերմատնային տնտեսությունների հիմնման միջոցով նպաստել ջերմատներում աճեցվող մշակաբույսերի արտադրության եւ արտահանման ծավալների ավելացմանը, արտադրանքի մրցունակության մակար-

դակի բարձրացմանը, գյուղատնտեսությունում տնտեսվարողների եկամուտների ավելացմանը: Ծրագիրը կիրականացվի 2023-2026 թվականներին:

Ծրագրի իրականացման արդյունքում՝

- 1) ծրագրի շրջանակում արդիական պահանջներով ջերմատնային տնտեսությունների կառուցում՝ շուրջ 35 հա ընդհանուր մակերեսով,
- 2) բերքատվության բարձրացում 2-3 անգամ ավանդական եղանակով մշակվող ջերմատների նկատմամբ, մասնավորապես՝ լոլիկի դեպքում՝ 1 քառ. մ-ի հաշվով 40-50 կգ բերքի ստացում,
- 3) ջերմատնային արտադրանքի ծավալների ավելացում, մասնավորապես՝ 2024 թվականին՝ 6,7 հազ. տոննա, 2025 թվականին՝ 11,3 հազ. տոննա, 2026 թվականին՝ 15,6 հազ. տոննա, իսկ 2027 թվականից յուրաքանչյուր տարի (մոտ 15

տարի) կապահովվի շուրջ 15,6 հազ. տոննա լոլիկի բերք,

4) արտահանման ծավալների ավելացում, մասնավորապես՝ լոլիկի դեպքում՝ 2025 թվականից տարեկան շուրջ 10.0 հազ. տոննայով,

5) ոչ սեզոնային ամիսներին ինքնաբերական իջեցում արտադրության արդյունավետության բարձրացման հաշվին,

6) 1 հա ջերմատնում կստեղծվի շուրջ 10-12 աշխատատեղ, իսկ 35 հա-ի դեպքում՝ 350 նոր աշխատատեղ,

7) մեր գնահատմամբ՝ 35 հա ջերմատնի շահագործման դեպքում պետական բյուջեի մուտքերը յուրաքանչյուր տարի եկամտային հարկի գծով կկազմեն շուրջ 168,0 մլն ՀՀ դրամ, իսկ 35 հա ջերմատն կառուցապատման դեպքում պետական բյուջեի մուտքերը ավելացված արժեքի հարկի գծով կկազմեն շուրջ 490,0 մլն ՀՀ դրամ:

● Անցած 1 օրվա ընթացքում Հայաստանի հանրապետությունում արձանագրվել է 21 ՃՏՊ. 1 մարդ զոհվել է, 27-ը՝ ստացել տարբեր աստիճանի մարմնական վնասվածքներ:



Էջը՝ ԱՆՎԱՐԴ ԿՈՇԿԱԿԱՐՅԱՆԻ

ԱՇԽԱՏԱՆՔ

ՀԱՐՑ. Ինչդե՞ս է հաշվարկվում աշխատանքային ստաժը:

Արա Մնացականյան (56 տարեկան)



ՊԱՏԱՍԽԱՆ. Աշխատանքային ստաժում հաշվարկվում են 33 օրենսդրությամբ սահմանված կարգով աշխատանքի ընդունելուց մինչև ազատելու օրն ընկած ժամանակահատվածները, այլ գործունեության ժամանակահատվածները, ինչպես նաև զինվորական ծառայության ժամանակահատվածները:

ՀՀ ՄՍԾ

«ԺՈՂՎՈՒՐԳ». Ստաժում հաշվարկվում են յուրաքանչյուր ժամանակահատվածի տարին, ամիսը, օրը, այնուհետև՝ գումարվում, ընդ որում՝ յուրաքանչյուր 30 օրը հաշվառվում է որպես մեկ օրվ ամիս, իսկ յուրաքանչյուր 12 ամիսը՝ մեկ օրվ տարի:

Կենսաթոշակի չափը հաշվարկելիս (վերահաշվարկելիս) աշխատանքային ստաժի հանրագումարի մեջ (տարի, ամիս, օր) մինչև 6 ամսվա (180 օրվա) ժամանակահատվածը չի հաշվառվում, իսկ 6 ամսվանից ավելի ժամանակահատվածը հաշվառվում է որպես մեկ տարվա ստաժ:

ՊԱՅԱՆՋՆԵՐ

ՀԱՐՑ. Ո՞րն է քաղաքացիական ծառայող դառնալու համար անհրաժեշտ կրթության չափանիշը:
Արտակ Տոնոյան (32 տարեկան)



ՊԱՏԱՍԽԱՆ. Քաղաքացիական ծառայության պաշտոններ զբաղեցնելու համար ՀՀ քաղաքացին պետք է ունենա բարձրագույն կրթություն, իսկ պաշտոնի անձնագրով բարձրագույն մասնագիտական կրթություն՝ նախատեսված լինելու դեպքում՝ համապատասխան մասնագիտական կրթություն՝ բացառությամբ քաղաքացիական ծառայության մասնագիտական պաշտոնների 6-րդ, 7-րդ և 8-րդ ենթախմբերի պաշտոնների համար, որոնց համար առնվազն միջնակարգ կրթություն է պահանջվում:

ՀՀ քաղաքացիական ծառայության գրասենյակ

«ԺՈՂՎՈՒՐԳ». Առանձին դեպքերում մասնագիտական պաշտոնների 6-րդ, 7-րդ և 8-րդ ենթախմբերի պաշտոնների համար պաշտոնի անձնագրով կարող է սահմանվել բարձրագույն (մասնագիտական) կրթություն ունենալու պահանջ:

ԼՈՒՐ ԿԱԴՐ

Լուսանկարը՝ համացանցից



Երեկոյան ուժգին քամուց տապալվել է, այս պահի տվյալներով, շուրջ 50 ծառ, հիմնականում՝ թեղի եւ բարդի:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+12 + 16 +28 + 33	☀	Արարատ	+22 + 24 +38 + 39
☀	Կոտայքի լեռներ	+12 + 15 +28 + 32	☀	Արմավիր	+21 + 23 +38 + 39
☀	Կոտայքի նախալեռներ	+19 + 21 +34 + 36	☀	Վայոց ձորի լեռներ	+13 + 15 +28 + 30
☀	Գեղարքունիք	+12 + 16 +27 + 32	☀	Վայոց ձորի նախալեռներ	+21 + 24 +37 + 39
☀	Լոռի	+14 + 17 +25 + 28	☀	Սյունիքի հովիտներ	+18 + 22 +37 + 39
☀	Տավուշ	+16 + 21 +28 + 31	☀	Սյունիքի նախալեռներ	+14 + 18 +28 + 31
☀	Արագածոտնի լեռներ	+12 + 15 +27 + 30	☀	ԼՂՀ	+19 + 23 +35 + 39
☀	Արագածոտնի նախալեռներ	+18 + 23 +33 + 38	☀	Երեւան	+21 + 23 +36 + 38

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 1.8.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրայնստվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: